



Inatsisartuni ilaasortaq Stine Egede, Inuit Ataqtigiit  
/maani

## INI A/S pillugu § 37 naapertorlugu apeqquteqaammut 2019-055-imut akissut

14-02-2019  
Suliaq nr.: 2019 - 2262  
Id nr. 37708880

Asasara Stine

Inatsisartut suleriaasianni § 37 naapertorlugu apeqquteqaatinut nassiussannut qujanaq.  
Apeqqutit matuma kinguliani ataasiakkaarlugit allanneqarput, akissummillu  
malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1: A/S Inip akiitsoqartitsinaaveersaarnermik misileraanera Kommune Kujallermi ingerlanneqartoq piffissaq qanoq sivisutigisoq ingerlanneqassava**

Akissut: Suliassaq aningaasanut inatsimmi aningaasaliissutit aqutugalugit aningaasalersorneqarpoq aammalu aningaasaliissuteqarallartillugu taamatut ingerlaannassalluni. Siunissaq ungasinnerusoq eqqarsaatigalugu aningaasalersueriaatsit allat eqqarsaatigineqarsinnaapput, taakkunungalu attuumassuteqartut najugaqarfii, kommunit il.il. ilaatinneqarlutik.

### **Apeqqut 2: Sulisut qassit akiitsoqartitsinaveersaarnermik suliaqartinneqarpat?**

Akissut: INI A/S ilisimatitsivoq, Kommune Kujallermi aningaasaqarnermut siunnersortit marluk atorfeqartinneqartut, tassalu Narsami ataaseq aamma Qaqortumi ataaseq. Nunatsinni suliami sulisut katillugit arfineq pingasuupput.

### **Apeqqut 3: Suleriaaseq qanoq ittoq atorneqarpa?**

Akissut: Siunnersortit toqqaannartumik attartortunut attaveqartarput, taamaalillunilu ajornartorsiutit isumagineqartussat allakkatigut attaveqatigiittarnermiit oqarasuaatikku oqaloqatigiittarnermiit ersarinnerujussuarmik takuneqarsinnaasarput.

### **Apeqqut 4: Kikkut suleqatigineqartarpat, qanorlu?**

Akissut: Inunnik isumaginnittoqarfik, politiit, aningaaserivik, Alloriarfik aamma INI A/S imminnut qanillutik suleqatigiipput, aammalu najukkani ataatsimiitalianik, akuttunngitsumik ataatsimiittartunik pilersitsisoqarnikuuvoq.

### **Apeqqut 5: Piffissami atuuffiani inuit qassit oqaloqatigineqarpat?**

- a. Qaqortumi –
- b. Narsami –
- c. Nanortalimmi –

Akissut: INI A/S imatut ilisimatitsissuteqarpoq:

	Nanortalik	Qaqortoq	Narsaq	Total	%
<b>Oqaloqatiginninnerit</b>	<b>140</b>	<b>568</b>	<b>183</b>	<b>891</b>	100
<b>Akiitsut akilinngitsuukkat erngerlutik akilerneqartut</b>	8	299	17	<b>324</b>	36,4
<b>Akiitsut akilinngitsuukkat kingusinnerusukkat akilerneqartussatut isumaqatigiissutigineqartut</b>	41	84	62	<b>187</b>	36,4
<b>Akiitsut akilinngitsuukkat akilersugassatut isumaqatigiissutigineqartut</b>	16	75	19	<b>110</b>	12,4
<b>Attartortut akiliinissamut periarfissaqanngitsut</b>	26	31	14	<b>71</b>	8
<b>Akiitsut akilinngitsuukkat Kommune Kujallermit akilerneqartussat</b>	49	79	71	<b>199</b>	22,3

**Apeqqu 6: Oqaloqatigineqartut tamarmik isumaqatigiissusiorfigineqartarpat?**

Akissut: Apeqqu 5-imut akissut takuuk.

**Apeqqu 7: Qassit isumaqatigiissusiornermik attassippat?**

Akissut: INI A/S ilisimatitsivoq, isumaqatigiissuteqarnissamik neqeroorfigineqarsimasut tamangajammik isumaqatigiissutitik malittaraat, kisiannili ikittunnguit sumiginnaasartut aammalu INI A/S attartortitsinnermut peqqussummi § 37, imm. 6 naapertorlugu iliuuseqartartoq.

**Apeqqu 8: Isumaqatigiissummik attassinngitsut, sunik tunngaveqarlutik attassinngillat?**

Akissut: INI A/S ilisimatitsivoq, isumaqatigiissutit sumiginnarneqarnerinut suut peqqutaasarnerinut takussutissamik soqanngitsoq.

**Apeqqu 9: Misileraanerup aallartinnerata kinguneranik akiitsullit qassinik ikileriarpat?**

- a. Qaqortumi
- b. Narsami
- c. Nanortalimmi

Akissut: Takussutissiami akiitsut akilinngitsuukkat akilersinniarneqartussat nuunneqartut takutinneqarput:

	2016-imi marsip naanerani aningaasat amerlassusaat	2018-imi aggustip naanerani aningaasat amerlassusaat
Kommune Kujalleq	14.976.000 koruunit	12.189.671 koruunit

*Najoqqutarisaq: Akiileraartarnermut Aqutsisoqarfik*

**Apeqquut 10: Anisitassat qassit politiinut suliakkiissutigineqarpat ukiuni 2013-imit 2018-mut kommune kujallermi?**

Akissut: Kujalleq sinnerlugu politiinit allakkat (anisitsinissamut nalunaarutit) amerlassusaannut takussutissiaq:

	2013	2014	2015	2016	2017	2018
Nanortalik	54	46	68	96	41	49
Qaqortoq	159	90	172	152	143	145
Narsaq	119	67	87	99	49	50
Katillugit	332	203	327	347	233	244

**Apeqquut 11: Qassit meerartaqarpat, meeqqallu qassit pineqarpat?**

Akissut: INI A/S ilisimatitsivoq, meerartallit meeqqallu amerlassusaannut kisitsisitigit paasissutissanik peqartoqanngitsoq, tassani INI A/S-imit attartortoq kisimi siunnerfigineqartarmat.

**Apeqquut 12: Qassit anisitat inaanit aniseqqinneqarpat 2013-miit – 2018 ilanngullugu?**

Akissut: INI A/S ilisimatitsivoq, Namminersorlutik Oqartussat kommunilu sinnerlugit anisitsinerit katillugit imatut isikkoqartut:

	2013	2014	2015	2016	2017	2018
Nanortalik	5	12	4	13	3	9
Qaqortoq	12	23	40	13	3	15
Narsaq	0	12	41	43	3	13
Katillugit	17	47	85	69	9	37

**Apeqquut 13: Qassit meerartaqarpat, meeqqallu qassit pineqarpat?**

Akissut: Apeqquut 11-mut akissut takuuk.

**Apeqquut 14: Akiitsoqartitsinaveersaarnermik misiligut nunatta sinneranut siammarneqassamaarpa?**

Akissut: 2019-imut Aningaasanut Inatsimmi konto pingaarneq 30.14.32 Akiitsut pillugit siunnersuisarneq takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen